

دائرة مخصوصه
در سعادتده باب عالی جوار ارنده

محل اداره :

مشرط القبر

اخطار :

مسلكمزه موافق آثار جديده مع المنويه
قبول او انور
درج ابدنهين آثار اعاده او ثناء

ديبر، فلسفه، علوم، مفروضه، ادبيات، سياست، و بالخاصه كرك سياسى و كرك اجتماعى و مدنى احوال و شئون اسلاميه و در بحث ايدى و هفته ده بر نشر از انور.

آبونه بدلى

صاحب و مؤسسلرى :

ابوالعلا زين العابدين - ح . اشرف اديب

در سعادتده نسخه سى ۵۰ پاره در

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

تاريخ تأسيسى

۱۰ تموز ۳۲۴

قبراه دن مقوا بورو ايله كوندريلىر سه سنوى
۲۰ غروش فضله آلنير

عدد : ۹۷

۷ رجب لفرد ۳۲۸ پنجشنبه ۱ تموز ۳۲۶

دردنجى جلد

تب الى الله واسمع ما يقوله النصيح * واستعد ليوم الحشر ان هوله شديد *
يامن ثقل عليه الحلال وطاب لديه الحرام * يامن في الدنيا مانع وبالدن
ما قام * يامن شكي من ايامه ومنه تشكو الايام * حاسب نفسك ان يوم الحساب
عقيد * افق لنفسك واياك ان تضيع دينك كما ضيعت دنياك * التفت
لشأنك واعمل لمولاك كما عملت لهواك * خذ في اسباب السلامة كما
اخذت في اسباب الهلاك * اتق الله وكن من القوم العاملين * روى الامام
احمد عن ابن عباس قال قال رسول الله «ص»: الامر ثلاثة امرين رشد
فاتبعه وامر بين غيه فاجتنبه وامر اختلف فيه فكله الى الله عز وجل...
صدق رسول الله.

علي شيخ العرب

سند نبی قونفرانس:

علم و معرفت — غیرت و فعالیت

بروسه ده مکتب اعدادی ملکی با نچه سنده

سباع شهیر عبدالرشید ابراهیم افندی حضرت نری طرفنده

۹۰ دن مابعد

بو کبی شیر اوزون اوزون مذا کره لره توقف ایدر. اویله عقلنه
کلن جمعیت یا نچه قالیق شیرسه صو کرا مملکتده هیج بر شعبه فن
وصنعتده ایش کورولمک ممکن اولماز. یا بیله حق شی حقنده کونلرجه
مداوله افکار اولنه حق. مضرتی، منفعتی پیش ملاحظه آلنه حق.
صو کرا پاره مسئله سی صو کدرجه بر انتظامه ربط اولنه حق. زیرا
بو کبی جمعیتلرک استقبالی پاره ایله تأمین اولنور. اگر پاره ایشلری
منظم بر قانونه ربط ایدیلرسه یا لکیز بر آدمه تسلیم ایله محافظه اولنه ماز.
بر آدم نه قدر امین اولسه ینه پاره خصوص سنده امنیت اولما ملی در.
امنیت نه قدر اولنسه، اگر بر قاعدیه ربط اولنمازسه،
ینه بوش در؛ او آدمدن بر ضرر کلمه ده انتظام سزلق حسیه
خاجدن کلیر. اما انتظام ایله، قاعده ایله سوء استعمالک اوکی آئیر.
بونک ایچون بو خصوصده صو کدرجه دقت واعتنا لازم در.

شیمدی بروسه کبی مرکزیه یقین بیوک بر شهرده بویله منتظم
بر معارف جمعیتی تأسیس اولنورسه بونک تأمین ایده جکی منافع نه قدر
بیوک اولور.

پاره یه می محتاج... دیه جکسکز؛ اصلا. اوکا خیرات اوله رق
صدقه سنی، زکاتی ویره جک بروسه ده پک چوق ارباب حمیت واردر.
صو کرا وصیتلرده اولور. بزم روسیه ده بویله وصیتلر پک چوق اولور.
احمد پک حسینف وفات ایتدیکی زمان اوچیوز بیک روبله وصیت
ایتدی. ایکیوز بیک روبله نک جهت صرفی کوستردی. یوز بیک
روبله ایچون ده دیدی که: «بونلری باتقیه وضع ایتدم. سندی ده بودر.
۹۹ سنه بانقه ده قاله حق. بو مدت ظرفنده تراکم ایدن نمازی ایله

کوستریور. شرقک امراض اجتماعی سنی اورته یه دوکیور. لکن
خسته لقی بوتون اعراضیه، ادواریله میدانیه جیقمیلدرکه مداواتی
قابل اولسون، اسبابی بر طرف ایدیه بیلین.

اثر غایت ساده بر لسان ایله یازلمش، اوتنه سنه بر یسنه رسملر
سریشدیرلمشدر. بن چوقدن بری بو قدر صمیمی، بو قدر مفید،
لکن بو قدر مؤثر کتاب او قودینمی خاطر لایمورم. عربلر «سوزرو حدن
جیقارسه روحه کیرر؛ آغزندن جیقارسه قولاغک حدودنی آشماز.»
دیرلرکه نه قدر طوغرودر! باقیلسه عبدالرشیدک بایزینده هیج بر صنعت
یوق. هیج بر اینجه لک یوق. لکن هیج بر صنعتک، هیج بر اینجه لکک
روحده حصوله کتیره میه جکی تأثراتی بو طبعی، صمیمی سوزلر آتی
بر صورتده حاصل ایدیورلر.

ذاتاً حضرتک مجلسی ده اویله دکلی؟ بیکلرجه حضاره قارشى
ایراد ایتدیکی خطبه لرده مملکتنه مخصوص شیوه ایله استانبول شیودسنی
منرج ایلیه رک، هیج بر پارلاق جمله دن، مطمئن بر ترکیدن امداد
ایسته میه رک غایت آجیق بر لسان ایله یوروتدیکی ملاحظات جماعتی
مسحور ایدیور؛ نامتناهی سویله انسانک نامتناهی دکلیه جکی کلیور.
شیمدی بزه بو قدر مهم، بو قدر نافع بر اثر اهدا ایتدیکی ایچون
عبدالرشیده بویوک بویوک تشکرلر ایدر؛ بر آن اول اکمال طبعی ایچون
نه قدر فدا کارلق ممکن ایسه دریغ بویور ماملرینی آیروجه نیازایلر.

محمد عاکف

«خطبه»

۱۵

الحمد لله الذی دعا عباده للعباده * الحمد لله الذی دل المجتهدین علی
طریق السعاده * الحمد لله الذی خص المتقین بالحسنی و زیاده * الحمد لله
علی التوفیق والتأیید * اشهد ان لا اله الا الله امهل العصاه * واشهد ان
سیدنا محمدا حبیب الله ومحباه * اللهم صل وسلم علی هذا النبی وآله
وصحبه ومن والاه * وبه الرجول لائمة الهدایة والتوفیق «اما بعده
فیا عبدالله» هذا شهر الله رجب شهر البرکات والخیرات قد نزل *
وهذه الشهور الا ول قد زالت وانت فی المعاصی لم تزل * وها انابهت
علی المفساد وما احد عنها تحول اورحل * وها هو الوعظ لم ینجح ولم
ینج به رشید * هذا موسم العبادة فغالط نفسك ان کنت تعد العبادة
غلطا * هذا میزان الاعتدال فعدل حالک فطالما تبعت اعوجاجاً ورکت
شططا * هذا میدان الصواب فاسلك سبيله واسکت عن الباطل فکم
تکلمت لغطا * هذا شهر العمل فأحکم اعمالک بالرأس السدید *
ان کنت تعلم ان الموت حق فلماذا عن ذکر الموت فی حیاتک اعرضت *
ان کنت تؤمن بصحة البعث فأین الذی لیوم الحساب قدمت * ان کنت
تخاف من الوقوف بین یدی مولاک فلماذا بالمعاصی علیه اجترأت *
ان کنت تطمع فی الجنة فأین عملک الصالح الحمید * یامن تفرغ للباطل
وملاء کتابه بالقبیح * یامن هو عن قریب سیکون ساکن فی القریح *

غایت بیوک بر مبلغ اولدینی وقت آله حق. اورنبورغ جمعیتی معرفتیه اورنبورغ ولایتی اطرافنده بولنانلرک منافعه صرف اولنه حق.

ایشته جمعیتله بویله بیوک پاره لرده وصیت اولنور. چونکه رئیس معلوم دکلدركه. بلکه کله جک سنه باشقه سی انتخاب اولنور. بر فئالق ایدنجه عزل ایدرلر. بو جهته هیج بر وقت بر پاره نك ضیاعنه محل قالماز. بویله یکریمی، اوتوز سنه لك جمعیتلر وار. هیج بر پاره سی ضایع اولدینی کورولمه مشدر، ذاتاً ضیاعی ده ممکن دکلدركه.

بم سنه توصیه ایده جکم شی - طبیعی بو توصیه، بیوکلك حقیقیله دکل، انسانیت نامنه، سزك منفعتکزه در - شو معصوم اولادلیکیزی دوشونمیسکیز. اگر جمعیتلر تأسیس ایدرک هم ملتکیزی، هم اطرافکیزی علم و معرفت نوریه نورلاندیرر سه کز او وقت هم تاریخک مؤاخذاتندن قورتولمش اولور، هم ده اومنور صحیفه لری لکله مکدن وقایه ایتش اولورسکیز.

ایشته ملتکیز، وطنکیز، دیانتکیز استقبالی ایچون هر مسلمان وهر اولاد وطن - هر کیم اولور سه اولسون - چالیشیر سه، ان شاء الله از زمانده، استقبالمز پک پارلاق اولور.

انسانلر دائماً یکدیگرینه محتاجدر. بر برینه تعاون و تناصر ایله انسانلر میدان کلمش، بو آنه قدر یاشامش و یاشامقده درلر. بر مملکتده خرسیتیان ده یاشایه بیلیر، اسلام ده. کوزل کچمکه هیج بر مانع یوقدر. کچنده ده سویلشدم، بز روسیه ده فوق العاده یشایورز. اما روسیه حکومتی ظلم ایدر، او باشقه. فقط روس ملتی ایله پک ایی کچنیز. حکومته قارشى بزده شکایت ایدرز، روسلرده. مختلف ملتکیز بر مملکتده برلکده یشامه لری امور عادیه دن در. نه مذهبه اولور سه اولسون کوزل کچنیزلر.

اون، اون ایکی سنه مقدم بن سوق قدرله استانبولده جکمجه جوارنده چفتجیلک ایتدم. تحت اداره مده اللی قدر مختلف مذهبه منسوب آدم واردی. آزالنده هیج بر منافرت کورمدم. دائماً قرداش کبی کچنیزلر، اونک احتیاجی اوته کی ویرر، اوته ککک کی بی بو ویرر. بویله کوزل کوزل یاشارلردی. و ذاتاً یاشاماق ایچون ده هیج بر سبب اوله ماز.

یالکیز ایشته مستبد حکومتلر تحت تابعیتنده کی ملتلر بیننده تفرقه چیقارمغه، اوسایه ده یشامغه چالیشیر. اقوامک حریتی احما ایچون اک برنجی واسطه بودر. مدنیت و معارفک اک یوکسک طبقه سنده اولدقلىنی ادعا ایدن انکلیزلر بیلله بو تفرقه جیللق پولتیقه سندن فارغ اوله مایورلر. زیرا انکلیزلرک منفعتی ملل محکومه نك تفرقه حالده بولونمیسنددر. بو کون هندستان اتفاق ایدر سه انکلیزلر اوراده طوره بیلیرمی؟ بونک ایچون الدن کلدیکی قدر آره لرینه تفرقه صوقغه، یکی یکی مذهبلر چیقارمغه چالیشه جقدر. بو کون مصریلر اتفاق ایدر سه انکلیزه اوچ کون اوراده طوره ماز. یکریمی درت ساعت ایچنده چیقاریرلر.

فقط مصریلری اوقدر تفرقه یه دوچار ایتشددر که انسان حیرت

ایدر. صرف ملت آره سنده تفرقه چیقارمق ایچون آدم لری وارددر. کیجه کوندوز بو ناشر مدینتله! تفرقه جیللق ایله مشغول اولورلر. مثلاً: شافعیلره کیدرلر: «بونلر سزی آدم برینه قویما بورلر»، اوتهدن حنفیلره کیدرلر: «بوشافعیلر سزی خراب ایتدی» دیرلر. بویله ملتی بر برینه دوشورمکه اوغراشیرلر. مسلمانلرده ذاتاً تفرقه - جیلقده یکتسا. بویله بر قاج بیك انکلیز میلونلرجه اهل اسلامی قبضه تسخیرنده استخدام ایدیور.

بو مسلك تفرقه جویانه ایله اوغراشانلر اوله اولور اولماز آدم لرده دکلدردر. اوکی ناشر مدنیت و انسانیت! ذوات بالطبع «بن انکلیزه طرفدن سزك بینکیزی تفریق ایچون کادم» دیمز؛ ایچمزه بولنور، غایت کوزل احباب اولور، دولابلرینی قورار، بزى کردابه دوشورر. خبر من اولمه دن یکدیگر مزه قارشى سلاحه صاریلش، بر قیامتدر کیدیورز.

بر نمونه سی روسیه ده عن الیقین مشاهده ایتدک، اسلاملر ایله ارمنیلر بیننده کی وقعه ده نه ارمنینک، نه اسلاملرک قباحتی وار. حکومت طرفدن اوله کوزل صورتده یاپیلمش بر مانوره ایدی. یاپیدیلر، چیقیدیلر. وفرصت بولورلر سه یه یاپارلر. زیرا هر کسک منفعتی دوشونمسی قاعده دن در، بالطبع حکومت ده بونی دوشنور.

بوکا مقابل بزده اونلرک طوزاقلرینه دوشمه مک ایچون چالیشمق، تدابیر تحفظیه دوشونمک وظیفه مزدر. اوله کور کورینه طوزاغه دوشه جک آو بولان «آمان دوشه جکسک، صاقین» دیرمی؟ هیج بر آوجی بونی یایما مشدر. راست کتیردیمی، هیج امان ویرمن، یقالار، توپلرینی یولار، دریلرینی چیقاریر، فرونه ویرر.

اونک ایچون ملتلرده کنینی دوشونمکه مجبوردر. دائماً بوکی جمعیتلرده قونفهرانسلر واسطه سیله ملتک استقبالی تأمین چاره لری دوشونولور. هر شیئی حکومتیه بر اقاملی. ملتلر کنیدی لری ده استقبالی رینی دوشونمکی.

خصوصاً بز اسلاملرده بو چالیشمق مسئله سی پک چوق دفعه لر امر بیورامشدر. دکل حیات اجتماعیه ایچون، حتی حیات شخصییه مز ایچون صرف ایده جکمز مساعی نك ثوابه مقارن بولوندینی حقنده تبشیرات عالیده بولونلشدر. بر چفتجی نك نفسی ایچون، چولق چوجنی ایچون، اوردینی قازمه یه شوقدر ثواب احسان بیورولمشدر. شوشویله، بو بویله... تعلیمات شرعیه هپ استقبال ملت ایچون. (فکر ساعه خیر من عبادة سبعین سنه) بو حدیث شریف صریحدر. بر ساعت تفکر و ملاحظه، یتش سنه غافلانه عبادتدن افضلدر بیورمش صلم افندمن. بوندن بیوک سوز اولورمی؟

بوکا علمامنر دیمش که: احوال عالمی، اجرام سماوییه یی دوشونمک بو قدر اجره سببدر. اوله اولسون، ییلدیزلری، احوال عالمی دوشونمک ایچون الله بزله بو قدر اجرلر وعد ایدر سه یا کوزمک اوکنده اولان شو جکر پاره لر منی، شو معصوم اولاد لر منی دوشونمک،

صبح اقسام کوردیکمز قارداشلر مژك حالى ملاحظه ايتك ده زياده اجري موجب بر تفكر اولديغنه کيم شبهه ايدر ؟
بزم بو کون اوروپايلردن کري قالماسه سبب ندر ، آکلايه ميورم .
اونلر کي بزده انسان دکلي يز ؟ اونلرده قفا وارده بزده يوقى ؟ اونلرده عقل وارده بزده يوقى ؟ او حالده نه ايچون اونلرک ياپديغنى زياپامايه جغز ؟
بز بويله ملتزمى ، اولادلر مژى ، استقبالمزى دوشونورسهك عندالله بو دوشونجهلر اجرسز قاليرمى ؟

نيچون دوشونمه ملي ؟ که : اوروپايلر استانبولدن بروسهيه قدر مسافه يي ايکي ، اوچ ساعتده قطع ايتدکاري حالده بز سکيز ، طقوز ساعتده انحق قطع ايده بيليرز ! انسان دوشونمکه باشلايمى ، هر درلو ترقيات وجوده کير . ايش تفکرده ، ملاحظه در . دنيا ده کي بو قدر مخترعات ، بو قدر کشفيات ، بو قدر ترقيات هب دوشونمک سايه سننده در .
الکتريک ضيالري دوشونمک سايه سننده وجود بولمشر . هر شيئک اساسي دوشونمک در . دوشونمدهن هيچ برشى اولماز . دوشونمکله هر شى اولور . فکر ايشه ايده الله قلبنه الهام ايدر ، بر الکتريک ضياى کشف ايدر .

ايشته (فکر ساعته . . .) بيوران ، دائما تفکر وملاحظه يه سوق ايدن بر شريعت جايله معارفه ، ترقيه مانع اولورمى ؟ امر بقاده اديسونک قلبنه الهام ايتديکي کي ، بز دوشونورسهك بزده الهام ايدر .
بلکه ده اعلاسنى . فقط دوشونديکمز يوق . ارقداشم قهوه ده بکلر ، اسقانييل اوينا يه جغز . فلاکتک اساسي بوراده . وقت بوله مايورز .
بوش شيلره وقت کچير بيورز .

بن زاپونياه بولونديغ زمان پک چوق يرلري کزدم . جنوبده کرمده هان هيچ بر ير قالمادی . يالکيز شمالده بعض کتمديکم يرلر قالدی . هر نزميه کتمدسه نه قهوه کوردم ، نه سفاهتخانه . مع مافيه بيوک شهرلرده غازينوده وار ، سفاهتخانه ده . فقط بوده اوروپايلرک يادکاري در . اونلرک بولنديغنى مملکتلرده يوقدر .

يالکيز نظر دقتى جلب ايدن برشى وار که چوق خوشمه کتمشدر .
بر کون کويلرده کيزرکن بر کويه کلام . ايچروسنده بر بنا . باشقه بنالره بکيزه ميور . عجبا نه دربو ؟ ديه مراق ايتدم . کتدم ، اوراده بويله سزک کي بر چوق افنديلر کوردم ، الارنده اوق ، ياي کي شيلر ، تعليم ايدبيورلر . بزم بابالرمزك قوللانديغنى اوqlر . چوق دقتى جلب ايتدى دوشوندم : نه ديمک اوله جق ؟ بر آز ده ايلرولدم .
برينه صوردم :

— بو حال نه در ؟

— بوکا (يوميا) ديرلر ، ديدى ، هفته ده بر دفعه کويليلر استراحت ايچون کيلرلر بوراده اکليزلر . کيم اونشانه اصابت ايتديررسه اون آلير ، کيم ايتديررمنسه اون ويرر .

بزده دوشونمک ، طاشندق ، کيسه ايله مشاوره ايتدک ، بر ، ايکي آتم وار . تجربه ايديم ، ديدم ، آتدم ، ديواره بيله طوتدوردم .
— نيچون بونلره اوغراشير سکيز ؟ ديه صوردم .

ديديلر که : — اولاتاريخي بر شى در . واقعا بو کون احتياج قالمادی . فقط بز اکر بونى محافظه ايتزسهك اورته دن بوغائب اوله جق .
تاريخمزك بر جزئى غائب ايده جکيز . اکلنجه ايچون يابشمزدر .
اهاليز کليز ، بونلره اوغراشير ، جناسستيق يرينده طوتار . عين زمانده نشانچياني ده اوکره نير .

آثار عتيقه يه زاپونياه پک بيوک اهميت ويريلير . بويله مؤسسeler هان هر کويده ايمپراطورک فرمانيله آچيلمشدر . تاريخارينک هيچ بر قسمنى اونوتيق ، ضايع ايتک ايتمه ميورلر .

— ايشته بو (يوميا) بزم ملتزمه چوق خدمت ايتمشدر .
اونوتمايه لم ، ديه بر اکلنجه يادق .

هفته ده بر کون هر کويده بش ساعت بونکله کچيريليورمش .
بويله ملت ملت ملت مليتى اونوتماز . قهوه لرده صارقماز .

اکلنجه لرنده بيله استفاده وار . بز ايسه طلبه من ايچون ، يا خود خلقمز ايچون برشى دوشونه جک اولسوق نه ياپارز ؟ .. ها .. اوروپاده شويله شويله برشيلر وار . ديه مطلقا فکر من اوروپايه کيدر . ملتک اکلنجه سي ، اوطورمسي ، قالمسي ايچون ، حالى ، استقبالي ايچون هب اوروپا ، اوروپا . آرتق بو مقلد لکک بو درجه سي مسخره لقدر .
بو ملتک هيچ مى ماضيسي يوق ؟ ايچنده هيچ مى آدم قالمامش ؟ هب عاجز ، هب مسکين . هب مقلد ، هب اولومى ؟ نيچون کندمز بر شى دوشونه ميز ؟ هب اوروپانک مقلدى ، اسيرى ، خدمتکاري مى اوله جغز ؟ ملت کنديني دوشونورسه ، استقبالي يارلاق اولور . بر ملت ماضيسي اونوتورسه ، بر ملت مليتى نظراعتباره آلامزه هيچ بر زمان شان وشوکت صاحبي اوله ماز .

زاپونلر مثلاً اکلنجه ايچون اوق قوللانيلورلر . حالبوکه اوکا احتياجلري وارمى ؟ البت يوق . دونمالر ، طويلر ، توفکلر ، اسلحه نارينه نك انواعى يابيليور . هيچ بر وقت احتياج مس ايتمه جک . فقط محافظه سنى ملت وظيفه بيلمش . اونلر آثار عتيقه لرينه اوقدر دقت ايدرلر مش که بوکون عادات مايه لرندن هيچ برينسک صنايع اولسنى ايتمه ميورلر .

بوکون هيره و غايف يازينک نه قدر مشکل بريازى اولديغنى انکار ايده جک هيچ کيمسه يوقدر . هر اسمک بر صورتى ، شکلى وار .
زاپون يازيسى ده بويله بر شى در . اوقويوب يازمه بيلمک ايچون ۳۶ بيک حروفه احتياج واردر . اواز توالتي بيک حروفک دکل بر حرفى ضايع ، حق يکيدن بر شى ايجاد اولنديغنى زمان کندى لغت لرينه قريب بر شى وضع ايله اونى لسان لرينه آيلورلر . بوکون نه قدر مخترعات وارسه کافه سنک اساميدى کندى لغت لرينه کوره در . بونلر بويله چاليشيورلر .
بوايشلري کورن هب ملتدر . اخلاق مايه محافظه سنى مخصوص بر جمعيت وار که بش ميلليون اعضاسى واردر . تاريخلرک محافظه سنى .
چفتجبلره ، عربه جيلره مخصوص هب آيرى آيرى جمعيتلر وار ،
بوصورتله پک چوق جمعيتلر کويلره وارنجه يه قدر تعمم ايتمش . بويله ايش کورمکده لر .

بونک ایچون بوکون کندیلرینک اوج مثل یزیده اولان روسلره اولیه بر ایون اوینادیلر، اولیه بر قهرمانلق کوستردیله که روسلر قیامته قدر بونک آجیسی اونو تمایه جقلردر، وانتقامی قیامته قدر چالیشسدر ینه آله مایه جقلردر. روسلرده اوعطالت، ژاپونلرده اوجالیشمه وارکن ممکن دکل بونک انتقامی آله ماز .

کوزمیزک اوکنده ، بلسکه بتون جه-انک پیش تقدیرنده مجسم بر ملت در، که چو جقلر بیله ژاپونیانک اسمنی بیلیر . نه ایله بونامی قازاندیلر؟ ایشته بونی کال اهمیتله نظر دفته آلمی در، که ایشک اساسی بوراده در . اوت، بونلر ملتیرینی محافظه ایدرک زمانه موافق برسی ایله چالیشدیله . بوسایده تعالی ایلدیله . بزده اوصورتله چالیشیرساق، هر شیک اسبابنه تشبث ایدرسه ک ، ومایتمیزی فرنک ملیتیه تحویل ایلزسه ک شبهه یوق بزده ترقی ایدرز .

ذاتاً بوراده اسباب من کل الوجوه وار ، هرشی حاضر . یالکیز لازم اولان برشی وارسه اوده تشبث ایتک، چالیشمق، غیرت و فعالیت کوسترمک در . بوکا باشلا دیغمز کی موفق اوله جغمز کون کی اشکاردر . بونک ایچون ایشته هان ایشه باشلاملی در . بن بونی سزدن رجا ایدرم . سزده یاشامق ، بوحالقه دن قورتولمق ایسترسه کز سویلدکرمی نظر دفته آلیرسکیز . بن سویلدکرمک خلاصه سی ده ایکی کله در: علم و معرفت، غیرت و فعالیت.

صوک



مدرسه لر قونفره سی۱

کچن سنه ینه بو موسسه ملرده ایدی ؛ علمامزله یالواریلش ، بر (مدرسه لر قونفره سی) یایمه لری توصیه سنده بولونولمشدی . اوفریادرلر، اوسوزلر بوقبه ده قالان بر خوشجه صدا ایمش یرینی بیله طوته مادی۱۰۰ از میرک (کویلو) غزته سی (بوتون اسلام علماسنه) سرلوحه سیله بر مقاله نشر ایدیور: بر اسلام علماسی جمعیتینک تأسیسی توصیه سنده بولونیور . حتی بونی بوتون مسلمانلره تشمیل ایتیه قدر واریور . آنجق ، فکریمزجه ، مستثنالری استثنای ایدیلیرسه ، بزده کی، عثمانلی ایلنده کی ، بوتون اسلام علماسی، دیگر بر قاج دیارده کیلردن ، ایچه کریده اولسه لر کرکدر . برکون اول ایلرله یه بیلمه لری ایسه ، ینه فکریمزجه ، مدرسه لریمزک اصلاحته باغلیدر . مدرسه لرک اصلاحی ایسه حکومتجه ، مشیختجه نه قدر غیرت ، همت کوستریلسه ، ینه ، علمامزک او «غیر رسمی» اولاجق همتلریله ، غیرتلیله وجود بولا جقدر . علمامزک غیرتلیرنک، همتلرینک ثمره دار اولماسی ده ، ینه فکریمزجه نه تک باشلیرینه ، نه ده بولونقلری یرلرده بر جمعیت بولوندیله رق چالیشمالریله قابل اولامیوب آنجق بر آرایه ، یوز یوزه کله لرینه ، یعنی هر سنه بر قونفره یایمالرینه متوقفدر .

(کویلو) نک (جمعیتی) از میرده اولسون تأسیس ایدیورسه ، باری سیاستدن اوزاق بر اساس اوزرینه تأسیس ایده رک ایلک تشبث اولمق اوزره شو (مدرسه لر قونفره سی) دعوتنده بولونسه ، اعتقادیمزجه

ایده جکی خدمتک ال بویو کینی دهادوغار دو غمازیرینه کتیرمش اولور . مع مافیه ، بوتشبتی ، بوسنه اولسون ، یالکیز از میرده دوغه جق بر جمعیتدن دکل ، علمامزدن هربری کنندی غیرتندن ، حیتندن ده بکله مک؛ مثلاً استانبولده کی علمامز [صراط مستقیمک ۵۵ نومرولو، ارمضان المبارک تاریخی نسخه سنده کی طونالی حلی امضالی مقاله یه بر کره کوز آتما یه تنزل ایله] اوجی بشی بر آرایه کله رک ، بر دعوت هیئت تشکیل ایده رک بر دعوتنامه نشر ایتک همتی معصوم برجه لیلله ، حالیه ، استقبالیله کندیلرینه باقان زواللی دین قارداشلری حقنده اسیر که مه ییودرسه لر نه اعلا اولور . هله کنندی حقلرنده نه فداکاری اولور۱۰۰۰۰ الحاصل ، هله حکومتک ، مشیختک علمانی ، طلبه یی ، مدرسه لری معناً ماده دوشونمک خصوصنده کی همتلرینه ، فعالیتلرینه علمامزک متحداً ، فقط برانظامه ، بر اساسه تبعیه معاون اولمایه حالا قوشماییشلری آرتق معذور کورلمک حدینی تجاوز ایتشدنر صانیرز۱۰۰۰۰ همت ، همت۱۰۰۰۰

بر مسلمان



ایکیوز الی سنه مقدم انکله ره فاضل علماسندن دو قنور ایستاپس طرفندن تألیف اولنوب اوصیراده انکله ره ده حکمفرما بولنان تعصبندن طولانی نشرینه امکان کوریله مدیکی جهته بریتیش موزه نوم کتبخانه سنده محفوظ و محبوس قالان «اسلامیتک ظهور و ترقیسی و حیات حضرت محمد» نام اثر مهم انکله ره ده کی جمعیت اسلامیه نک دلالتی و محترم قارئلرمن جانبندن مصارف طبعیه سنک تأمین صورتیله اخیراً دستکاه طبع و تمثیله قونه رق ایلک فورمه سی کچن هفته اداره یه ورود ایتش و بصره والی سابق ماردینی زاده عارف بک افندی حضرتلری طرفندن ترکیه یه بالترجه جریده مزه ایجاب قلمشدر . یرسالتهناه صلی الله علیه وسلم افندمن حقنده بر اجنبی نک تحسیناتی مصور بولنان شوانری، مجرد بو اعتبار ایله شایان تدقیق کوره جک قارئلرمنی طول مدت انتظارده بر اقامق ایچون ، بو هفته دن اعتباراً بوجه آتی درجه باشلا یورز :

اسلامیتک ظهور و ترقیسی

مبات حضرت محمد

مؤلفی
مردنور ایستاپس

مترجمی

ماردینی زاده عارف

فصل اول

دین اسلامک ظهورینه قدر خرسیتیانلق ایله یهودیلق

احوالی حقنده معلومات اجمالیه

بیٹ سنه یی متجاوز زماندنبرو حکمفرما اولان شو دین مبینک - عبادت اوئان ایله دیانت موسویه و عیسویه نک هر درلو مزاحمتنه رغماً - حاصل ایلدیکی ترقیاته رقابت خصوصنده ، دیانت وئیه دکل ، نصرانیت بیله عاجز قالمشدر .
زیرا قسطنطین زمانندن اول وحی تیودوسسک کونلرینه قدر